

Announcement / Notice

Under Graduate University Exam Alo hun leh ta-a End Semester leh 2nd leh 4th Semester te tha tak leh thianglelim taka exam turin kan in ngen a ni. Routine hi Notice Board leh www.hatim.ac.in ah tarlan ani.

V. Vuansanga, Principal, HATIM

A hmasain tho leh kan Lalpa Isua Krista hmingin kohhran mipuite chibai ule.

Higher and Technical Institute, Mizoram (HATIM) hi Co-education, Christian College hmasa ber ani a. Baptist Church of Mizoram (BCM) in kum 2007 khan a din tan a ni. Pathian hruaina leh kohhran mipuite tawngtaina te thawktu mi thahnemngai tam tak te zarah Kum 15 hmel a lo hmu ve ta ani. HATIM din anih leh a bultum, BCM Vision leh Mission te leh Core value te tawite in lantir han tum ila.

VISION

HATIM hi University puitlinga hlangkai tura kalpui tum ani a, Pathian thua nun dik leh tha mihringin a neih theih nanna inkaihhraina kan hmuhte hmanga zirlaite enkawla , thalaite leh ram tana hma lam hun eng tak chhawpchuah sak hi a tum bul ber chu a ni.

MISSION

Zirlaite hnena inngahna tlak zirtirna pek te, an eizawna tur atana tangkai thil zirtirte, leh rinawmna nunpuia, rintlak leh mawhphurhna hria an lo nih theih nan te, Kohhran leh ram leh hnam tana mi chhenfakawm an nih theih nana zirlaite zirtirna pek hi a rawngbawl na ani. Leadership quality tha te midang nena indawrna kawnga ze taka chet te, midangte thatna tur a inpekna nun te, harsatna sutkiamdan tha leh theihna te, ngaihhlut tur dik hriatna leh an nun kaihruitu atana an hman theih nan te, a tul huna danglam emaw danglam loh emaw ngamna nun te leh finna leh hriatzauna neih belh zel theihna nun tuihal an neih theih nan te-a zirlaite kaihrui hi he College rawngbawl na hi a ni.

CORE VALUES

- Englai pawh a dikna leh thiltha um a, midangte zirtir chungaw rawngbawl sak thin.
- Pathiana inngah tlat leh amaha rinna nghah tlat.
- Pathian chibai buk, tawngtai leh Bible-a zirtirna thate thlahthlam loh.
- Tun hun a tan mai nilo, damchhunga zir chhonzawm zeltura inpeih
- Rinawmna leh rintlakna nun neih
- Midangte nena nunho/thawhho thiam.

Lalpa'n HATIM kaltlanga BCM rawngbawl na malsawmin chawinung zel rawh se.

Editor

C. Lalruatkima (*Asst. Librarian*)

Joint Editor

Rebecca LP Lalnunhlui
(*Asst. Professor*)

Editorial Board Members

Lalhruaitluanga (Education)

Vanlalbiakdika, (Commerce)

F. Laldinpuii (History)

Pretty PC Zirliankimi (Social Work)

Daniel Lalawmpuia Zadeng

(Computer Applications)

F. Lalremtluanga (Psychology)

Vanlalpekhui (English)

H. Lalmuanzuali (Philosophy)

HATIM Valedictory Ceremony - 2022

Covid-19 avanga kum 2 lai HATIM Valedictory Ceremony hman theih anih loh hnuah leh hrleng in zia awmlam a pan chhoh tak avangin HATIM Valedictory hi Dt. 31st May, 2022, a neih tura ruahman ani. Dt 7th April, 2022 a Council Boby Committee Meeting chuan Valedictory Ceremony 2022 atan hian Mr. Benjamin Lalnunfima (Asst. Professor) - Convener leh Mr. Samuel Malsawmkima (Asst. Professor) - Secretary atan ruat an ni a, He committee kaltlang vek hian Sub-Committee hrang hrang duangin Leaders leh Members engamaw zat ruat belh an ni baw. HATIM Valedictory Ceremony Committee hmasa ber hi Dt. 20th April, 2022 khan Principal Office-ah neih ani.

Asst. Professor, HATIM-a lak thar te

Ludi Lalneihpuii	Philosophy
Deborah Zonunmawii	Psychology
Rebek Lalramtiami	Education
F. Lalnunluangi	Education

WORKSHOP ON BIO-INNOVATION CHALLENGE - 2022 NEIH ANI

Entrepreneurship Knowledge Cell & IQAC HATIM leh Mizoram University BioNEST tangkawp in HATIM 6th Semester zirlai bik te tan Workshop on Bio Bio- Innovation Challenge- 2022 tih chu Dt 29. March, 2022 khan HATIM Conference Hall-ah neih a ni a , He mi atan hian Resources Person 2 (pahnih) Mizoram University atanga lokal in hun hlawhtling tak hman a ni. Resuorce Person te hi Dr. Lallawmsanga, Scientific Officer , MZU BioNEST leh C. Lalruatsanga, Chief Executive Officer MZU BioNEST te an ni.

EDITORIAL

Kum sang-bi thar hlang kai ang hiala lawmna min thlen ang maiin hrlengin zia lam pan zel chungga rilru thawvenna min han thlen takah chuan HATIM Newsletter hmasa ber "Mal'ach" (Messenger) tih hmanga thupui vuahin, kan hotute kaltlanga hmahruaitu a min han ruat hi ka huphurh viu ruala ka phurna nen hian a sang zawk teh dawn ila, a in buk tawk viau lawi si ang.

Pathian venna ka tilo phallo dam taka hrleng a ziaawm leh hnua HATIM Community kal phung lo pangngai leh thei ta hi a malsawmna chhiarsen loh kan chan a ni tih leh Lalpa'n thil ropui tak min tih sak a ni tih hi a chiang em em a ni. Kum bul kan tana a venna hnuaia kum tawp kan thleng leh ang hian Pathian ven himna dawngin he HATIM Newsletter thar "Mal'ach" (Messenger) hi hluttu leh chhiartute, Zirtirtu leh zirlaite tan chunglam malsawmna nen, hlutak leh duang takin lo chawr chhuak zel rawh se.

EARTH DAY HMAN A NI

Dt. 22th April 2022 hi Earth Day a nih angin HATIM Eco Club chuan Social Media Kaltlangin ,Flyers thawn darh ani a. A remchan dang ang anga hmalak niin, Whatsapp, Facebook leh Instagram a thawn darh leh share ani. Earth day 2022 theme hi **"Invest in Our Planet"** tih a ni.

CAREER COUNSELING & ORIENTATION PROGRAMME HUN HMANG

HATIM-a Academic and Career Counseling Cell (A&CCC) leh Nehru Yava Kendra (NYK), Lunglei, Mizoram inkawpin HATIM zirlai 6th Semester bik tan zirlaite hmakhawngaia an kalzelna tura pawimawh inhrilh hriatna **"Job and Career Opportunities and Orientation Youth"** (Aatam Nirbhar YuWaah Bharat) tih thupui hmangin Dt. 1st April, 2022 khan HATIM Conference Hall ah hun hman ani a, he Programme ah hian Resource person atan Mr. David Lallawmsanga, District Youth Officer, NYK UN leh Ms. Jacinta Colney, Certified Soft Skills and Communication Specialist, Microsoft Convergys te hman an ni.

*Amah atang leh amah avang leh, amah atan thil zawng zawng hi alo awm a ni si a.
Rom: 11 :36*

AICS LAMAH HATIMIANS

BCM in Pathian thu zirna kan neih AICS -a lut thei turin HATIM Zirlai chhuak-ta mi 3 thlan an ni a. Pathian hnehah lawmthu kan sawi tak meuh meuh a ni.

1. Jacob Lalchhandama S/o Rev. Remsiana (BA) (Pukpui) – Jacoba hi Voluntary Missionary in Arunachal Field ah alo awm tawh a ni.
2. Isaac Lalremliana S/o R. Lalnusanga (BSW) (Ramzotlang, Serkawn)- Ani hi BSW a zawh veleh UESI hnuai-ah Students Coordinator hna thawk nghalin, HATIM Evangelical Wing a President hna lo chelh tawh tu ani.
3. T. Lalmuanzuala S/o T Vankhuma , Zotlang (BSW) - A ni hi nikum lama BSW chhuak chiah ani a, HATIM Evangelical Wing, Property Secretary hna lo chelh tawh ani bawk.

HATIM din chhan bul ber Hun puma Pathian rawngbawl tura an inpek na hi kan lawm em em a , tluang taka an zir zel theih nan HATIM Staff, Zirlaite leh Mal'ach Editorial Board te chuan duhsakna sang ber kan hlan ani.

FACULTY EXCHANGE PROGRAMME NEIH A NI

HATIM leh J.Buana College Lunglei te'n Memorandum of Understanding (MoU) an sign ang in, Faculty Exchange Programme chu College Pahnih History Department te chuan ni-hnih awh tur Dt 12nd & 13rd April, 2020 khan hun hmangin HATIM College Campus leh J. Buana College Campus-ah hlawhtling taka hman niin, Commerce Department te pawhin Online Forum (Zoom) hmangin he programme hi Dt. 8th April, 2022 khan hman alo nib awk. Zirtirtute leh Zirlai te'n an hlawhpui hle ani tih thu kan dawng.

CLEANLINESS DRIVE NEIH ANI

HATIM ECO-CLUB buatsaihin Dt. 28th march, 2022 khan hatim campus kawmzawl-ah Cleanliness Drive neih niin Campus huan hmun hrang hrang tihfai leh thenfai hnatlang thawh a ni. Hatim Eco-Club hi Dt 27th February, 2015 khan "Think Green, Stay Green " tih thupui hmanga din a ni. Hmalakna hrang hrang neih thin niin, heng Earth day, World Environment day etc. te hi hun hmasa lamah urhsun taka lo observed thin a ni. HATIM Eco-Club hi National Green Corps (NGC), Ministry of Forest & Climate Change (MoEF&CC), Government of India on February 2022 Scheme hnuaia Mizoram Pollution Control Board ah Registered niin Registration No hi NGC@/MIZ/22/25 a ni.

ELECTORAL LITERACY CLUB DIN A NI

Dt. 23rd February, 2022 a Coucil Body HATIM Committee Meeting chuan Sawrkar ina Election a kalpui dan hmanga inhrilhriatna leh tangkai zawka zirlai te tana hmalak a awlsam zawk theih nan he Club hi a din a ni. Electoral Literacy Committee hi District Election Officer Deputy Commissioner hriatpuina leh pawmpuina thlapa din a ni.

Electoral Literacy Club hruaitu atan heng a hnuaia mite hi ruat an ni :-
Nodal Officer /Mentes

1. Mr. Joseph Lalhunmawia (Asst. Professor, Dept of Computer Sciences)
2. Ms. Hannah Lalnunpuii Kiangte (Asst.Professor , Dept. of English)

Executive Committee Members

1. Mr. T. Lalramnunpuia – IV Semester B. Com (Chairman)
2. Mr. Vanlalhlana – II Semester BA (Vice Chairman)

Campus Ambassadors

1. Lalbiakhlui Sailo – IV Semester (Convener & Ambassador)
2. Nicole Lalremruati – IV Semester BSW (Campus Ambassador)

NATIONAL TESTING AGENCY THUCHHUAH

UGC thupek angin MZU leh PUC a admission ti tur chuan Central University Common Entrance Test (CUET) paltlang ngei ngei a ngai tawh dawn a. Tunah hian CUET online form fill up na hi hawn a ni tawh a. PUC a BA/ BSc/ BCom leh BBA zir duh te chuan a hma lama lo fill up thuai tur a ni ang registration <https://www.nta.ac.in/cuetexam> . He information hi a tam thei ang bera Mizoram zirlai naupang hrang hrang leh school whatsapp group leh veng forward turin MZU/PUC hotute chuan min ngen a ni.

